

"O'zkimyosanoat" Ajda Germaniya Federativ Respublikasining O'zbekiston Respublikasidagi favqulodda va muxtor elchisi Dr. Tilo Kinner bilan uchrashuv bo'lib o'tdi

// 19.05.2022

<https://uzkmyosanoat.uz/oz/press/news/germaniya-hamkorlik-uchrashuv>

Bugun "O'zkimyosanoat" Ajda Germaniya Federativ Respublikasining O'zbekiston Respublikasidagi Favqulodda va Muxtor Elchisi Dr. Tilo Kinner hamda Germanyaning "The Linde Group" kompaniyasi vitse-prezidenti Thomas Hilkerlar bilan uchrashuv bo'lib o'tdi. Muzokaralar davomida O'zbekiston va Germaniya o'rtaida kimyo sanoati bo'yicha hamkorlikni yanada rivojlantirish, amalga oshirilayotgan yirik investitsiya loyihalari, jumladan, Germanyaning "The Linde Group" kompaniyasi bilan birgalikda "Navoiyazot" Ajda havoni taqsimlash uskunasini qurish loyihasi, shuningdek, Germanyaning "Siemens Energy", Fransianing "EDF Group" va Niderlandianing "Stone City Energy Insolar Bv" kompaniyalarining to`g'ridan-to`g'ri investitsiyalari hisobiga, "Navoiyazot" AJ negizida yangi tashkil etilayotgan "Navoiy gaz-kimyo texnologik klasteri" hamda kimyo tarmoq korxonalari uchun zamonaviy energoblok qurish loyihalari yuzasidan fikr almashildi. Hamkorlik samarali davom etayotganligi, jarayon navbatdagi bosqichga o`tgani va tez fursatlarda qurilish ishlari boshlanishi alohida ta'kidlandi. Zamonaviy energoblok "Navoiy gaz-kimyo texnologik klasteri" rezidentlarini muntazam ravishda mustaqil elektr energiyasi bilan ta'minlaydi.



Shu bilan birga, uchrashuv davomida kimyo sanoatiga "yashil" texnologiyalarni keng joriy qilish, logistika, NACAG granti asosida Azot kislotasi ishlab chiqaruvchi korxonalarini dekorbonizatsiya qilish masalalari muhokama qilindi. "The Linde Group" kompaniyasi vitse-prezidenti Thomas Hilker bu kabi loyihalarni amalga oshirishda kompaniya, "O'zkimyosanoat" AJ bilan hamkorlikka doim tayyor ekanligini bildirdi. Qolaversa Germaniya Federativ Respublikasining O'zbekiston Respublikasidagi Favqulodda va Muxtor Elchisi Dr. Tilo Kinner samarali hamkorlikdan doim mammun ekanligi, bu kabi istiqbolli loyihalarni muntazam qo'llab-quvvatlashi, shuningdek, "O'zkimyosanoat" AJ hamda Germanyaning "BASF" va "Bayer" kompaniyalari o'rtaida investitsion loyihalarni amalga oshirish borasida hamkorlik aloqalarining o'rnatilishida ko`maklashishini bildirdi.



Muzokaralar davomida ta'lif, ilmiy izlanishlar, soha rivoji va kelajagi uchun muhim sanalgan zamonaviy bilimlarga ega yetuk kadrlar tayyorlash borasida ham o'zaro hamkorlikni samarali yo'lga qo'yish masalalariga alohida e'tibor qaratildi.



"O'zkimyosanoat" AJ Matbuot xizmati